

故宮博物院
珍寶
藏

貴州府志

共四冊
第二冊



故宮博物院編 海南出版社

故宮珍本叢刊第 223 冊貴州府州縣志第 2 冊(共 4 冊)

故宮博物院編

南籠府志

普安州志

畢節縣志

〔乾隆〕黔西州志

海南出版社

圖書在版編目(CIP)數據

故宮珍本叢刊.第223冊,地理.都會郡縣.貴州,[乾隆]南籠府志、[乾隆]普安州志、[乾隆]畢節縣志、[乾隆]黔西州志/故宮博物院編.-影印本.-海口:海南出版社,2001.4

ISBN 7-80645-984-7

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06691 號

故宮珍本叢刊第 223 冊

貴州府州縣志第 2 冊(共 4 冊)

[乾隆]南籠府志 [乾隆]普安州志 [乾隆]畢節縣志 [乾隆]黔西州志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:28.25 印數:1-400 冊

ISBN 7-80645-984-7/Z·65

定價:700 元(貴州府州縣志 12 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

西蜀李連溪輯

南籠府志

本衙藏板

南籠府志 自序

南籠無志也地落荒陬昔
多蠢蠕歷以羈縻外之統
歸梁州南境無可志亦不
必志也洎乎前明分戍置
屯設衛所於陵元之堡始
曰安籠嗣是以還人雜淫
彝地近衣冠歷二百餘年
宜若有可志者乃割隸無
定風物可知山川雖猶是
也而有苗未化難成大禹
之謨德業忘於子章亦屬
筆終未及矣洪惟我

南籠府志 自序

二

朝文德誕敷遠人來服自古
不臣之地莫不喁喁嚮風
屬在南籠又其
聲教所先訖者改廳建府以
來定田賦設膠庠舉侏離
獷悍之習廓而清之百年
之氣象維新
一人之經綸丕著也昌恭膺
簡命來守是邦雖稽往事未有
成書履新阡而經界綺錯
臨類壁而雅藻芳流其間
象野之拱於辰山澤之奠

南龍府志

自序

三

於位城郭之固吾圍區域
之畫其封歷歷可徵恍若
圖呈在目矧乎式孝友之
閭其人可作綽節義之楔
厥事如生無曰邊隅有足
多者是可知南龍之無志

以無可志也今之風土人
物較諸往昔若開草昧而
啟鴻蒙風氣協天時物隨
化按百餘年休養薰陶之
情事而臚列之將以占天
時考封域稽濬畝明官常

南龍府志

自序

四

別貞淫刺奢儉察機祥
信守忠愚具於是無事附會
遠搜徒落撻撻者倚歟休
哉從古羈縻之屬歷無可
志者而今志之且必志之
者何也蓋志者志其實也

實之不存志將焉屬故昔
之風土人物無可志而今
志之且必志之實以志
盛朝至治之實云爾由斯以
談昌是以不揣無文竊取
周官外史氏之意據事直

書以附文獻之末而南籠

於是乎有志

乾隆二十九年十月上浣

賜進士出身朝議大夫知貴州

南籠府事前保寧府儒學

教授選江西峽江縣調任

南籠府志

自序

五

新建縣知縣陞吉安府蓮

花廳同知壬申巳卯庚辰

三科江西鄉試同考試官

成都李其昌連溪甫撰於

署東之老桂軒



貴州南籠府志卷之首

知府西蜀李其昌敬伯說

凡例十二則

一南籠在昔設所猶隸於滇南改廳則屬於
安順故風土人物以依附而未真即缺遺
其奚惜欲登記載考核維難乾隆初年始
列府治於通志按籍得以參稽然多統四
屬以立言究至一郡之未脩良以文獻無

南籠府志

凡例

一

徵亦無怪其畧而不詳也今所輯者原本
通志兼採周生於岐之紀畧而附以見聞
分八綱以統衆目事物以類相從卷首列
圖末卷外志為昭志理而道常經之鄙意
云爾

一通志列輿圖於地理一門似也而志理殊
覺未協蓋圖在一省則規一省之形圖在
一郡則規一郡之形約數百里數千里於

尺幅方寸之中上以占天文之躔次下以察地理之鍾毓中以考人事之變遷古人所云按圖而稽瞭如指掌者此也況志中所分之門類皆圖中所列之事情圖若雜於冊腹則開卷未得其旨而志亦茫然無所據故為首列不獨昭志理之宜且俾披覽者一郡之形概已先得於心目間也

一通志列祥異於天文一門而所紀載者以

南籠府志

凡例

二

麥歧芝產等類為祥以饒饉水火等類為異此故天兆之地承之而人事以應之也乃獨歸之於天則不可語曰和氣致祥乖氣致異此豈盡屬天之事耶惟志而外之蓋不缺其事且以明其理人之戴天履地者按往事而驗得失不以祥為可恃能以異為自儆則外志之又未始非內省之一助也至星野氣候本通志而叅酌之管窺

之見以俟明於天之道者為之確定焉

一南籠之沿革悉本通志而於疆域形勝等類獨詳之昭其實也首夷列於地理明所生也其種類習俗為脩著之徵向化也至於山川形勝中撰為十景八景之說凡屬郡縣皆然東西塗抹附會摭拾近於邛俚何以式觀固寧無取

一賦役全書刊載悉脩惟戶口則有滋生田

南籠府志

凡例

三

畝則有報墾是又因時而異者今則悉遵編定之額數登入志乘以脩稽考至異日新增求協褒魚旆旗之休則俟來者之補輯焉

一通志所載南籠之營建以廳之舊制言也論城池則規模狹隘僅存厓字馬跡之形而公署學校等類半落荒郊更屬簡陋殘缺今則舊制增潤補葺重修已屬煥然一

新矣俱為詳記靡遺以見經營於始者當思永建而勿替也至寺觀列於營建則屬通志之失夫壇宇以申崇報典至重也仙宮梵室類皆褻力觀成亦何與於營建之事而並列之耶且二氏之學無益於人而最易惑人顯斥之無以見王道之大並紀之何以昭異端之攻人則志之而實外之使之各深猛省久而自息亦未始非挽回

南籠府志

凡例

四

風氣之一助

一文武分職首重賢能累屬政蹟茂著俾人愛而傳者應為立傳大有功德於民堪勒鼎銘彝昭垂千古者則為名宦南籠在昔割據依附官斯土者豈無甘棠遺愛而文既不足獻亦無徵存什一於千百節取之亦屬紀載不遺未有治績蒸蒸鏤人心膂光增俎豆者崇德報功之典請以俟諸繼

起惟里居資格去來年月或擢去而歷官所至可考者並書之以脩異時叅稽焉至若署篆之員既非揚於

王廷似與

簡命是邦者有間未便一例採入

一人固以科名重科名實以人重也南籠雖僻在邊隅學校興而人文蔚起科名不亞他郡實為

南籠府志

凡例

五

國朝育才之盛事志則脩紀其里居爵仕即例授與庶人在官者亦所不遺而糾糾武夫風詩且重干城之選並志之凡此非徒為閭里之榮實邦家之光也顧名者可思其義矣

一人物首重鄉賢及儒行忠節孝友之士而文學次之揚褒美而寓獎勸也南籠雖屬荒隅人物未脩而友愛節孝者已大有其

人語曰十室之邑必有忠信不洵然歟有志之士當思益懋厥修學為全人以脩將來採輯毋患名之不著也至孝友以詳請有案者輯之而節婦與耆年則以

題旌之年分先後為次隱逸流寓允協鄉評者並附焉凡以昭典型之權輿云

一藝文之門類繁多取裁亦甚不一故登是選者即通都盛邑亦難大備姑無論其立

南籠府志

凡例

六

言者氣往鏘古詞來振今也降格以求亦必採其有關於斯地之政治風俗人心山川景物者匪是寧缺是以志中開是門以待後之登進焉

一志以外名者以事蹟隸於南籠採入正志則名類不倫故外之其義已詳於序例至明末遺事脩著史帙桂王由榔駐札南籠靖難十八人墓蹟猶在是亦不可泯沒者

故並紀之以附於志末

一南籠改廳設府沐

盛朝之化百十餘年尚未輯有成書官師之擢去靡常文獻之凋殘可懼余自蒞任以來亟圖纂輯博採風聞廣咨遺老筆削之權不敢假手他人雖自媿不文祇求達意而止然此僅志府治親轄之風土人物耳二州二縣之事筆俱未及普安州已志於乾

南籠府志

凡例

七

隆二十三年雖煩減未宜而事蹟披卷可考永豐一州安南普安二縣俱未成書倘同志者各志之謬以余之府志冠於首則全屬之風土人物庶幾悉備後之取徵於南籠者不致嘆文獻之不足也真西山有云為北邦之吏治者不可無此書深有味乎其言矣記纂事於甲申秋月桂菊之香艷爭顰墨之起訖觀成雖極採搜恐多

遺漏輯而補之是在後之君子

南籠

凡例

八

貴州南籠府志卷之首

知府西蜀李其昌敬伯輯

卷之首共二十三篇

四千二百五十五字

序文

凡例

目錄

輿圖

卷之一共五篇

一千一百一十九字

天文志

星野

氣候

卷之二共二十一篇

四千八百一十字

南籠府志

目錄

地理志

沿革

疆域

形勝

山川

關梁

土產

場市

風俗

苗類

卷之三共七篇

一千五百八十七字

賦役志

戶口

田賦

積貯

俸工

賑恤

卷之四共十一篇二十九字

營建志

城池

公署

學校

壇宇

書院

坊表

倉儲

塘汎

卷之五共十五篇三千一百零一字

秩官志

官制

文職

武職

卷之六共十二篇二千五百三十五字

南龍府志

目錄

二

選舉志

進士

舉人

武舉

選拔

貢士

例授

行伍

卷之七共十一篇二千六百五十五字

人物志

孝友

節婦

耆年

隱逸

流寓

卷之八共十七篇四千零九十五字

藝文志

奏疏

附詩

卷之末共五篇九百四十一字

附外志

祥異

苗患

寺觀

明末遺事

南龍府志

目錄

三

貴州南籠府志卷之首

知府西蜀李其昌敬伯輯

輿圖 全府州縣驛道 本府城池公署 全府州縣水道

志以言傳圖以象告以言傳者披文考義數千年之事始悉以象告者按形縱目數百里之狀可知古王會有圖職方有圖隋大業中令天下郡縣皆繪圖以獻良有以也南籠為古荒服夷疆唐宋以來漸通中夏明始據有南籠府志 輿圖

其地而疆域參差邊隅零毗時隸滇時隸黔版籍無定輿圖未輯國朝定鼎之初改安籠所為廳屬於安順雍正五年改廳設府分安順府之普安州普安縣安南縣並割廣西泗城府紅江以北之地為永豐州屬於南籠一府之規制始全而圖亦列於通志然羅斛分設州判原屬永豐之地以遠於南籠近於貴陽乾隆十四年改隸定

番州是圖之東隅非復府有按圖以稽又多未確矣今之所繪者裁之規全府之形勢為總圖犬牙相錯以一線鉤勒俾其界限了然而驛道以重郵政水道以資農功更列府之城池公署以昭體制則全府規模較若聚米矣傳曰經文如化工史文如畫筆觀是圖者知輿輿之險要而守之因俗為治變通宜民則畫筆之中又何在不寓化工也

南籠府志 輿圖



輿圖

南龍府州縣並驛道全圖說

繪南籠一府一州一縣之圖其位置之大局

是矣。即極犬牙之相錯，亦可彷彿其形，似乃

有彼此不相聯絡之地如府之五屯遠在普

安州之南而普安州之白沙一帶地廣百餘

里又隔絕於普安縣之北一安南縣也不獨

普安永豐二州及普安一縣之地星羅碁布

于其中即安順之永寧州如花江等處又隸



興圖

於東隅之內類如斯者各州縣亦難細舉欲
肖而圖之詎尺幅中之筆墨所能盡繪者乎
故曰其位置之大局然也至驛道之自北而
西那都田為安南縣之驛偏踞普安州之北
隅白沙則借普安州之地而為普安縣之驛
上寨官屯亦資孔屬普安州之三驛其道曲
折於三百五十里中上下之應接如此而府
州縣相通之道亦可按圖而稽矣



圖中小國
者為邊境
標出易誤
其餘無圖
者皆寨名
也塘路外
出境之小
路俱為給
出以備稽
查各寨相
通之路雖
未著明亦
可意會矣

南籠府志

輿圖

七

南籠府親轄輿圖說

南籠親轄之地東西里至一百三南北少二分
為三里近城週圍二三十里之地為安仁里
昔之屯田也東南鄉為懷德里西北鄉為永
化里則屬昔之十八寨安仁里之地雖近府
城亦相錯於各寨之中圖難繪其里界而懷
永二里之十八寨今則一寨分為四五十小
寨不等止考其寨之大者詳著方位於中俾



南籠府志

輿圖

八


南籠府城池公署圖



按其圖可知各寨遠近之情形也至府轄之
五屯今分為六如魯鼠科佐喇坡那岔那必
花閣者遠隸普安州之黃草壩圖中又難包
舉矣為附其名於說以昭府治之全焉

南籠府志

輿圖



貴州南籠府志卷之一

知府西蜀李其昌敬伯輯

天文
星野
氣候

七曜經天文周禹服五行緯地道饗時良由
懸象著明氣令旁敷不以經紘微塞間也南籠
為黔屬西隅斗柄指而歲時寧異中星見而昏
旦無差職斯土者實有無敢戲渝無敢馳驅以
上協天休而保茲黎庶於不忒則氣淑風祥
南籠府志 天文

星野

黔越在荒服保章氏所未載郭子章黔記曰黔
地連楚蜀總之不出鷄首鷄尾火鷄尾之次又
曰星經載熒惑主荊州主輿鬼柳張黔實近
荊州屬鬼柳似近之